



COMUNA DE DURGALI

PROVÌNTZIA DE NÙGORO

DELIBERATZIONE DE SA GIUNTA COMUNALE

N. 70 DE SU09-08-2023

OGETU: Faina de promotzione e valorizatzione de su patrimòniu istòricu-artìsticu de sa Comunade Durgali. Indirtzos a sos ufìtzios pro barigare sos volùmenes imprentados in su 1988 e dedicados a s'artista Salvatore Fancello.

S'annu duasmìgiabintirès, sa die noe de su mese de austu a sas oras 12:00, in Durgali e in sa Domo Comunale, cunvocada a sos sentidos de lege, s'est addobiada sa Giunta Comunale in sas persones de sos Sennores:

Testone Angela	Sìndiga	Presente
Fancello Antonietta	Assessore	Presente in videocunferèntzia
Ruiu Gianmaria	Assessore	Presente
Mele Sonia	Assessore	Presente
Carotti Bernardino Luigi	Assessore	Presente
Canu Martino Davide	Assessore	Presente

Assistit a sa setziada su sutascritu Vitze Segretàriu Comunale, Dut.ra Elena Rita Mereu.

SA GIUNTA

Premìtidu:

- chi s'Amministrazione Comunale reconoschet su ruolu fundamentale de sa cultura tràmite iniziative deretas a nde promòvere s'isvilupu;
- chi intre sos obietivos de s'Amministrazione Comunale b'est sa promotzione e valorizatzione de su patrimòniu istòricu e artìsticu, materiale e immateriale, de sa Comuna de Durgali;
- chi in custu patrimòniu torrant sas òperas e sa memòria de s'artista durgalesa Salvatore Fancello;

Bista sa nota de su 17/07/2023 imbiada dae s'Illisso Edizioni Srl de Nùgoro cun sa proposta de comporare 290 còpias (prot. 12767 de su 01/08/2023) de su libru dedicadu e intituladu “*Salvatore Fancello*” imprentadu in su 1988 a pustis de una chirca minuda chèrfida dae su Comunu de Durgali cun su fine decontare sa vida tropu cùrtzia de unu grandu talentu, cun sa prefatzione de Giulio Carlo Argan eàteros cuntenutos de autore intre sos cales su de Costantino Nivola e Salvatore Fiume;

Abetadu chi tale volùmene est ascritu in s'istòria de sa crítica bidos sos autores de gabale e sos tantos istudiosos interessados chi cun títulos ant contribuìdu a s'indàgine restitutiva, e chi sas 290 còpias sunt sas ùrtimas presentes in cantu no ant a èssere torradas a fàghere reimprentas;

Cunsideradu chi sa proposta de comporare previdet su prètziu a libru de € 35,00 iva inclùdida a fronte de € 56,00 de su prètziu de cobertina;

Cunsideradu chi como su Comunu de Durgali non tenet mancu una còpia de su volùmene in chistione e duncas, dadu s'importu suo e valore, si cunsiderat netzessàriu protzedire a sa posta a bandas de totus o de una parte bona de sas còpias presentes in mercadu;

Retentu, de dare mandadu a sos ufìtzios cumpetentes pro chi procurent de ammaniare totu sos atos netzessàrios pro comporare sos volùmenes chi pertocant;

Fatu riferimentu a:

- sa deliberatzione Consiliare n 14 de su 04/04/2023, deretu esecutiva, cun sa chi est istadu approvadu su DUP perìodu 2023/2025;
- sa deliberatzione Consiliare n 15 de su 04/04/2023, deretu esecutiva, cun sa cale est istadu approvadu su Bilantzu de Previsione perìodu 2023/2025;
- sa deliberatzione G.C. nùmeru 27 de su 18 aprile 2023, chi giughet “aprovatzione de su Pranu

esecutivu de gestione periodu 2023/2025”;
Achiridos sos pàreres favorèvoles, art. 49, comma 1, de su D. Lgs. N. 267 de su 18/08/2000 e sutzessivas mudas e integratziones;

DELIBERAT

De dare mandadu a sa Responsàbile de sos Servìtzios Sotzioculturales pro s'ammàniu de sos atos netzessàrios a sa provvista, pro sos motivos indicados in sa premissa, de sos ùrtimos volùmenes disponìbiles in su mercadu e dedicados a s'artista Salvatore Fancello, imprentados in su 1988 dae sa Domo Editora Ilisso de Nùgoro.

De dare atu chi sunt istados espressados sos parres allegados favorèvoles, a sos sentidos de su D. L.gvo N. 267/2000;

De rèndere sa presente, cun votatzione separada, deretu esecutiva a sos sentidos de s'art. 134, 4 commas de su D. L.gvo 267/2000;

Letu, aprovalu e sutascritu.

Sa Sìndiga
Comunale F.to Dut.ra Angela Testone

Su Vitze Segretàriu
F.du Dut.ra Elena Rita Mereu

ATESTATZIONES E PARRES

(a sos sentidos de s'art. 49 comma 1 de su D.LGS. 267 de su 18.08.2000)

Parre in òrdine a sa Regularidade Tècnica	
Èsitu: Favorèvole Data: 07-08-2023	SA RESPONSABILITÀ DE SU SERVÌTZIU F.da Maria Teresa Casula
Parre in òrdine a sa Regularidade contàbile	
Èsitu: Favorèvole Data: 08-08-2023	SA RESPONSABILITÀ DE SERVÌTZIU F.da Dut.ra Elena Rita Mereu

TZERTIFICADU DE PUBLICATZIONE

S'ATESTAT chi sa presente deliberatzione, publicada in s'albu pretòriu informàticu de custa Comuna de su 09-08-2023 a su 24-08-2023, est istada trasmìtida in còpia a sos Cabosgrupos Consiliares (a s'art. 125, c.1, de su D.Lgs 18/08/2000, n° 267) e at a devènnere esecutiva su 09-08-2023:

S'incarrigada de sa Publicatzione
F.da Silvana Loi

Sa presente còpia est cunforma a s'originale.